



F. Hoffmann

## ՀԱԿԱՌԱԿՈՐԴՆԵՐ

Նրանք այդ երկու երաժիշտները՝ իրար թշնամի էին: Ավելի ձիշտը՝ մինն էր թշնամի մյուսին, անտաղանդը և անհաջողակը: Մյուսը՝ տաղանդավորը պաշտպանվում էր միայն իր նախանձորդի հարձակումներից, ու երբեմն էլ, երբ սա չափից դուրս էր գալիս և փրփրալի կատաղությամբ շարախոսում էր իր մասին, տաղանդավորը մի գայրալի խոսք էր ասում. թերևս վիրավորիչ խոսք:

Անտաղանդը զրպարտում էր իր արվեստակցին, թե սա է պատճառն իր անհաջողության: Հարձակվում էր նաև հասարակության վրա, որ սա կողմնակալ և նախապաշարյալ վերաբերմունք ունի դեպի տաղանդավոր երաժիշտը և անարդար է դեպի ինքը:

Բայց, ինչպես միշտ, բնությունն ու հասարակությունն անտարբեր են այդ գանգատների ու հարձակումների դեմ: Եվ ահա տաղանդավորը բարձրանում էր օրեցօր դեպի իր փառքի գագաթնակետը, մինչ անտաղանդը տանջվում էր անփառունակ: Առաջինին հորելյան տվին, համազգային պարծանք կոչեցին:

Անցավ ժամանակ, և տաղանդավորը մեռավ: Համազգային սուգը, որով արձագանքեց հասարակությունը այդ թանկագին կորուստի համար՝ ծանր ու չափազանց ուռեցրած թվաց անտաղանդին:

Սակայն մի գաղտնի ուրախություն սողաց նրա սիրտը: Ա՞, տաղանդավորը զնաց, և ասպարեզը մնաց... երևի՞, արդեն... անտաղանդին: Կարծես եկավ ժամանակը, որ հիմա էլ սա ճաշակի փառքի ևրջանկությունը: Եվ այդպես էլ պիտի լիներ անշուշտ: Չէ՞ որ ասպարեզն էլ թափուր է:

Բայց օրեր անցան, մեջ ընկավ անտաղանդը, ջանք թափեց և սպասեց հետևանքի:

Ոչ մի հետևանք: Հասարակությունն անտարբեր էր, ինչպես և առաջ:

Տաղանդավորն էլ մեռավ, բայց անտաղանդը երջանկություն ձեռք չբերեց: Անտաղանդությունն՝ ինչպես մշուշ՝ եկավ ավելի թանձր սլաշարեց անտաղանդ վերապրողին:

Տխուր, անմխիթար օրերը շարունակեցին անցնել անպտուղ, անհետևանք, անփառունակ...

## ՄՐՋՅՈՒՆՆԵՐ

Մրջյուններ էին վխտում ճանապարհի վրա: Վազվզում արագ-արագ, խաշաձևում ճանապարհը, կտրում-անցնում ամեն ուղղությամբ: Եվ ինչ-որ շատ էին նրանք: Ահա նրանցից դիակիկներ կան այստեղ, այնտեղ: Այդ անցորդներն են ոտնակոխ արել նրանց, և երևում է, որ ամեն թույլ վտանգված է նրանց կյանքը:

Բայց... սա՞ ինչ բան է: Նրանք այստեղ մինչև անգամ բույն ունեն: Ահա՞ թե ինչ: Եվ բույնը ուղղակի ճանապարհի վրա: Պաշար են կրում, ձվիկներ են դրել արևի տակ շորացնելու, հող են դուրս ածում բնից: Մարդիկ կարգին գործի վրա են այստեղ, աշխատում են տննդորեն: Բայց ի՞նչ խելք է այսպիսի զոհերով, այսքան անցորդների սարսափելի կոշիկների արանքում (երևակայում եք...) բույն ունենալ, շենուանալ այստեղից, ապրել հանգիստ, աշխատել, դեռ ուրախանալ, հուսալ: Եվ մինչև անգամ տեել...

Եվ նրանք չեն հեռանում, ապրում են այստեղ, աշխատում, ուրախանում, հուսում: Եվ տեղում...

«է՛հ, հայրենիք է» — խորհեցի անցա: Կներեք, շգիտեմ, արդյո՞ք մրջյուններն է՞լ այդպես կնայեին գործին:

Գոնե ևս այդպես խորհեցի:

## ԼԵԶՈՒ

Նրանք, երկուսը, հանդիպեցին իրար: Չէր սպասում նրանցից մեկը, որ մյուսը կենդանի է: Կսկի էր, որ նրան դժբախտություն է սպատահել, որ նա չէր դիմանա այդ դժբախտությանը, կմեռներ:

Եվ ահա՛, ի՞նչ ուրախալի բան՝ նա կենդանի՝ է...

Իրար էին նայում և չէին խոսում: Ճիշտը՝ չէին կարողանում խոսել: Խոսքը քիչ էզավ:

Չկար այն խոսքը...

Միայն նայում են իրար և...

— Հը՛մ, — ժպտում է սա:

— Հա՛, — ժպտում է մյուսը:

Կրկին նայում են իրար ոտից զլուխ ու էլի... ժպտում.

— Հա՛, հը՛մ...

Է՛հ, նախամարդի՛կ են: Ի՞նչ են, թե՛ ապագայի մարդիկ: Ո՞ւր կորավ լեզուն, այսքան միլիոնավոր տարիների լեզուն... «Հա՛, հը՛մ», սրանով խոսք ու զրո՞ւյց կլինի:

Բայց տե՛ս, եղա՛վ:

Եվ որքա՛ն նրբություններ, խոր մտքեր այս մի «հըմ, հա»-ի մեջ...

## ԱՇԽԱՏԱՆՔԸ

Չլապինդ բազուկները լարած, քլունզը պրկուն ձևաքերում  
շարժելով նա զարկում էր սարի կրծքին, շարժում, տեղահան էր  
ուզում անել մեծ քարաբեկորը:

Նա մերկացել էր. և ուռուցիկ կրծքի վրայով կաթում, գլորվում  
էին քրտնքի կաթիլները: Իսկ շառագույն գեմքը ժպտում էր:

Երբեմն էլ ատամները պինդ սեղմելով կծկում էր գեմքի  
մկանները, գայրանում և մոնչալով քլունզը ետ էր տանում ու ուժ-  
գին հարվածում սարի կրծքին: Ապա կրկին խաղաղ քանդում էր  
քարաբեկորի շուրջը պնդացած քարահողը:

Երբեմն էլ կատակով փնթփնթում էր ու Երզում:

Մոտեցա.

— Հը, դժվա՞ր է:

Չդադարեց հարվածելուց: Միայն հարվածների ուժի միջով  
դեպի իմ կողմը նետեց.

— Բա ի՞նչ... գոռո՞վ կլի, խաթրով չի՞ ըլի:

— Աշխատա՞նքր:

— Աշխատանքր: Խաթրով չի՞ տա, գոռո՞վ կտա:

— Աշմարիտ է:

— Բա՞... կովե՞նք, որ վերցնենք:

Ասաց, ուժգին հարվածեց ու Երզեց, ինչպես կոխվ մտնող  
մարտիկ: